

## Aotelega

02 Me 2019

**Ua suia i le 2013 le tausaga faavae mo le tamaoiga o le atunuu mai i le tausaga faavae tuai o le 2009.**

### Otootoga:

- Siitia le tamaoiga i le 6.0%
- Tamaoiga fua i le tau o oloa o le 2013 (real): \$518.2 miliona
- Tamaoiga fua i suiga o le tau o oloa i totonu o le kuata (nominal) - WST \$569.7 miliona

### Mataupu o i le ripoti:


Folamua & Aotelega	1
Faapaseneina o le suiga o le tamaoiga	1-2
Suiga ole Tamaoiga	2
Faapaseneina o le sao o Vaega Maoti i le Tamaoiga	2
Tamaoiga o Tesema 2018	3-9
Talaaga & Atina'e fou	10
Pepa Faapoopo--Vaega maoti o le Tamaoiga	

E 6.0% na siitia ai le tamaoiga i le kuata o Tesema 2018. O le aofaiga o le tamaoiga pe a fua i tau o oloa o le tausaga 2013 (real GDP) e \$518.2 miliona; ua faamauina i le kuata o Tesema 2018 le tamaoiga sili ona maualuga ua ausia ile kuata i totonu o le sefulutasi (11) tausaga talu ona amataina ripoti faa-le-tamaoiga o le atunuu. O lea tulaga lelei e afua mai i le tamaoiga o vaega maoti e pei o Vaega o Auaunaga ma Oloa Gaosi. Na faatupulaia i le 7.2 pasene tupe maua i le Vaega o Auaunaga; na vaia ai le siitia o le tamaoiga maua mai i vaega e fitu (7) mai i le iva (9) o vaega maoti o loo aofia i totonu o le Vaega o Auaunaga i le kuata faale-tupe o Tesema 2018. O loo atagia ai le siitia o tupe lafo mai aiga i atunuu mamao i le 12.1% faapea tupe maua mai tagata tafafao maimoa mai fafo i le 10.9% faatusatusa i le kuata o Tesema 2017. Na faapena foi ona faatupulaia tupe maua a le Malo mai lafoga o le VAGST, tiute ma nisi i le 12.7%.

### Suiga o le Tamaoiga


O le aofaiga o le tamaoiga fua i le tau o oloa o le 2013 (real GDP) mo le kuata o Tesema 2018 e \$518.2 miliona, siitia lea i le 6.0% fua i le tamaoiga na faamauina i le kuata o Tesema 2017. E 0.5% na siitia ai foi le tamaoiga o le atunuu i le kuata ua mavae (Setema 2018).

### Kalafi 1: Tamaoiga ma suiga, Tes 2013 - Tes 2018



O le kalafi 1 o loo faalia ai le tamaoiga pe a fua i le tamaoiga o le 2013 mai le kuata Mati 2013 seia oo ia Tesema 2018 pei ona faamauina i suiga i pasene o le tamaoiga fua aga'i i le kuata o le tausaga ua te'a. O le tulaga lelei e afua mai i le siitia o le tamaoiga i le vaega o Fefaatauaiga o oloa siitaoa, o meaai, vai inu, oloa mo aoga ma nisi oloa laiti. Na fesoasoani ai foi siitaga i vaega maoti e pei o Galuega Tetele, o Fesoootaiga, Felauaiga ma Auaunaga faa-faletupe i le alualu i luma o le tamaoiga mo le kuata o Tesema 2019.

### Kalafi 2: Faapaseneina o le sao o Vaega taitasi i le tamaoiga, Kuata o Tesema 2018



O le faapaseneina o le sao o vaega maoti taitasi o le tamaoiga i le siitaga e 6.0% o loo faamanino mai i le kalafi 2 mo le kuata o loo iloiloaina. O vaega maoti na tele lo latou sao i le siitaga o le tamaoiga e aofia ai Fefaatauaiga (siitia i le 3.6 pasene), Fesoootaiga (siitia i le 1.0 pasene), Galuega Tetele (siitia i le 0.9 pasene), Faletalimalo & Faleaiga (siitia i le 0.4 pasene), Felauaiga (siitia i le 0.4 pasene) ma Auaunaga faa-faletupe (siitia i le 0.4 pasene). O isi vaega maoti na faamauina a latou siitaga e aofia ai le Vaega o gaosia meaai & vaiinu, Vaega a le Malo, Vaega o e umia fale faapea le Vaega o Eletise ma Vai i o latou sao e 0.2, 0.2, 0.1 ma le 0.1 pasene.


# Aotelega (fa'aauau)

Ae peitai, o vaega e aofia ai le vaega o Auaunaga Taitotasi & isi, Faigafaiva, Faatoaga ma Auaunaga faa-pisinisi na faamauina le pau ai o o latou tamaoiga maua i le -0.7, -0.4, -0.1 ma lalo ifo o le -0.1 pasene fua i le aotelega o le siitaga o le tamaoiga.

## Aotelega o le tamaoiga, fua i le tau o oloa i totonu o le kuata (Nominal):

O le aofaiga o le tamaoiga pe a fua i le tau o oloa i totonu o le kuata o Tesema 2018 e \$569.7 miliona. Ua siitia i le 7.9% mai i le aofaiga sa iai i le kuata lava lenei i le tausaga ua mavae. O lea tulaga lelei e afua mai i le faatuputupulaia o le tamaoiga i vaega maoti e pei o Galuega Tetele, Fesootaiga, Faletalimalo & Faleaiga, Faatoaga, Fefaatauaiga, Felauaiga ma Auaunaga Faa-faletupe i o latou siitaga e 18.5%, 17.6%, 17.2%, 16.3%, 13.7%,

### Kalafi 3: Pasene o Vaega Maoti, Kuata o Tesema 2018



7.1% ma le 6.0% e fua i le kuata o Tesema 2017.


O loo faaalua i le Kalafi 3 le tuufaatasiga o le vaega maoti taitasi o le tamaoiga i tau o oloa i totonu o le kuata o loo iloiloaina. O le Vaega 3 (Tertiary Sector) o loo sili pea lo latou sao e 67.2% o le tamaoiga. Na agai i luga i le 0.8 pasene faatusatusa i le kuata o Tesema 2017. O loo atagia le siitia o le tamaoiga maua mai i le vaega o Fefaatauaiga pe a ma le afa o le aofaiga atoa o le Vaega 3 o loo aofia i lalo o Fefaatauaiga.

O le vaega 2 (Secondary Sector) poo le vaega o oloa gaosi eseese o loo tulaga-lua lona sao faamauina e 14.9%; ua faaititia i le 0.3 pasene fua ia Tesema 2017. O le pau i le vaega e mafua mai i le tapunia ai o se tasi o kamupani tele (Yazaki) i le tausaga 2017. E le'i lava le maualuga na ausia e le 3 mai i le 4 vaega maoti o loo aafia i totonu o lea vaega e talitali ai le pau o le tamaoiga i totonu o le Vaega o Isi oloa gaosi. O le Vaega 1 (Primary Sector) e 9.8% lona sao; na siitia i le 0.01 pasene le sao o Faatoaga ma Faigafaiva pe a fua ia Tesema 2017.

## Iloiloga ole sefululua masina: (Ianuari-Tesema 2018)

O le aofaiga o le tamaoiga mo le tausaga faaiu ia Tesema 2018 (Ian - Tes 2018) pe a fua i le suiga o tau o oloa o iai i le taimi nei e \$2,156.4 miliona, ua siitia i le 2.4% faatusatusa i le tausaga faaiuina ia Tesema 2017. O le tamaoiga pe a faasafua fua i le tau aofai o tagata e \$10,906. Ua siitia i le 1.7% le tamaoiga pe a fua i le suiga o tau o oloa o loo iai faatusa i le tausaga 2017. O le aofai o le tamaoiga pe a fua i tau oloa o le tausaga faavae 2013 e \$2,005.4 miliona, ua siitia i le 0.7% faatusa i le tausaga na faaiu ia Tesema 2017.

### Kalafi 4: Gasologa o le Tamaoiga, 2012 - 2018



O loo faamanino mai i le kalafi 4 le gasologa mai o le tamaoiga i le 2012 seia oo i le 2018. Na sili ona pau le tamaoiga i le tausaga 2012 ona o tulaga na faaleagaina e le afa o Eveni (Cyclone Evans). O le siitaga iloga na ausia i le 2015 i taaloga a malo (Commonwealth Games), faagatama tautaua na faatautaia i lea tausaga i le va o Niu Sila ma Samoa faatasi ai ma sauniuniga a'o lumana'i ai le Faigapalota a le Malo i le 2016.

O le siitaga i le 2018 na mafua mai i faatinoga i vaega maoti taitasi e pei o Fefaatauaiga, Galuega Tetele, Auaunaga Faa-faletupe ma Auaunaga Faapisinisi i le tausaga 2018. Na sili le sao a le vaega o Fefaatauaiga i le aotelega ole tamaoiga i le 2018 (2.4 pasene), sosoo ai Galuega Tetele (0.7 pasene), Auaunaga faa-faletupe (0.7 pasene), Auaunaga Faapisinisi (0.3 pasene), Vaega o e umia fale (0.1 pasene) ma le Vaega a le Malo (0.1 pasene). O vaega maoti na faamauina le pau o lo latou sao e aofia ai Faatoaga, Faigafaiva, Isi Oloa Gaosi faapea Fela'uaiga. O le faaletonu i le sao o le vaega a Faatoaga ma Faigafaiva e le natia ona o le suiga o le tau faapea afa na afatia ai le atunuu ia Fepuari ma faaleagaina ai mea-toto faatasi ai ma le taofia ai o vaa-fagota i le fagotaina o le gataifale. O le vaega o Isi Oloa Gaosi e le'i faamauina lava se siitaga i lona tamaoiga talu mai le tapunia ai o se tasi o fale gaosi mea (Yazaki) tele i totonu o le atunuu.


# Iloiloga o Vaega Maoti taitasi

VAEGA O FAATOAGA	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoiga (fua i tau o oloa o iai) Tala Samoa (miliona)	38.0	38.1	44.2	16.1	16.3
Tamaoiga (fua ile tau o oloa 2013) Tala Samoa (miliona)	40.8	35.5	40.1	12.9	-1.7
Saofaga ile suiga ole tamaoiga (gasologa ole tamaoiga i pasene) - y-o-y	0.0	-0.9	-0.1		
Saofaga i le tuufaatasiga o le tamaoiga i pasene (nominal)	7.2	7.0	7.8		

**Kalafi 5: Suiga i Pasene o le Vaega o Faatoaga (fua ile tausaga e 2013), Mati 2013 - Tesema 2018**

Na faamauina le aofai atoa o le tamaoiga o le vaega o Faatoaga e fua i le tau o oloa 2013 i le \$40.1 miliona; ua faaitiitia i le 1.7% faatusa i le kuata o Tesema 2017.

O le faaletonu o le tamaoiga i totonu o le vaega e o gatusa lava ma le faaitiitia o fua o faatoaga o loo auina atu i maketi i le 17.8% i totonu o le atunuu e pei o taro, fa'i, taamu, ufi, ulu, niu, kapisu, tamato, kapisu saina faapea kukama. E lei faamauina lava se tulaga alualu i luma a le vaega o Faatoaga talu mai le kuata o Setema 2017. O le vaega le nei na tele ina faaleagaina fua o faatoaga e le afa o Gita ia Fepuari 2018 faatasi ai ma le faauau ai pea o foliga leaga o le tau i totonu o le atunuu.




FAIGAFAIVA	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoiga (fua i tau o oloa o iai) Tala Samoa (miliona)	13.8	11.3	11.7	4.1	-14.9
Tamaoiga (fua ile tau o oloa 2013) Tala Samoa (miliona)	10.8	8.6	8.8	1.8	-19.0
Saofaga ile suiga ole tamaoiga (gasologa ole tamaoiga i pasene) - y-o-y	-0.7	-1.1	-0.4		
Saofaga i le tuufaatasiga o le tamaoiga i pasene (nominal)	2.6	2.1	2.1		

**Kalafi 6: Suiga i Pasene o Faigafaiva (fua i le tausaga 2013), Mati 2013 - Tesema 2018**

E \$8.8 miliona le aofai o le tamaoiga a le vaega o Faigafaiva i le kuata o loo iloilo. Na faamauina le pau maualalo ole tamaoiga maua i Faigafaiva fua i le tau o oloa o le 2013 e \$8.8 miliona mo Tesema 2018; na pau lea vaega maoti i le 19.0% faatusa i le kuata lava lea o le tausaga ua tea. Ua oo atu ai i le valu (8) kuata sosoo o loo faaletonu pea le alualu i luma o le tamaoiga i le vaega o Faigafaiva. E o gatasi lava lea faaletonu ma le pau maualalo o i'a o loo faatauina i totonu o le atunuu i le 25% faatasi ai ma le pau maualalo o le aofai o i'a o loo auina atu i atunuu i fafo i le 18.4% mo le kuata o loo iloilo.

A faatusa le kuata o Tesema 2018 i le kuata o Setema 2018, o loo atagia ai le siitia o le tamaoiga i le 1.8%.




# Iloiloga o Vaega Maoti taitasi

VAEGA O GAOSIA MEAAI MA VAI INU	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tese- ma 2017 (y-o-y)
Tamaoiga (fua i tau o oloa o iai) Tala Samoa (miliona)	20.5	19.6	20.6	5.4	0.8
Tamaoiga (fua ile tau o oloa 2013) Tala Samoa (miliona)	19.0	18.0	20.0	11.3	5.3
Saofaga ile suiga ole tamaoiga (gasologa ole tamaoiga i pasene) - y-o-y	-0.5	-0.1	0.2	<i>Kalafi 7: Tamaoiga maua mai Oloa Gaosi o Meaai &amp; Vai Inu ma le suiga mai i kuata taitasi i pasene, Mati 2013 - Tesema 2018</i>	
Saofaga i le tuufaatasiga o le tamaoiga i pasene (nominal)	3.9	3.6	3.6		

Na siitia le aofaiga o le tamaoiga mai vaega o gaosia meaai ma vaiinu i le 5.3% talu mai kuata mulimuli e ono na faamauina ai le pau ai o le tamaoiga mai lea vaega. E \$20.0 miliona le mauiluga o le tamaoiga na maua mai i le gaosiga o meaai ma vaiinu talu mai le kuata o Mati 2017 ma o loo o gatusa ma le aofai na gaosia i le kuata Tesema 2018.


Na faamauina le siitaga o le vaega o gaosia meaai ma vaiinu ile 0.8% pe a faatusatusa ile kuata lava lenei o le tausaga ua mavae.



VAEGA O ISI OLOA GAOSI	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tese- ma 2017 (y-o-y)
Tamaoiga (fua i tau o oloa o iai) Tala Samoa (miliona)	12.2	11.8	10.2	-13.6	-16.1
Tamaoiga (fua ile tau o oloa 2013) Tala Samoa (miliona)	8.4	10.0	8.5	-15.0	1.4
Saofaga ile suiga ole tamaoiga (gasologa ole tamaoiga i pasene) - y-o-y	-2.3	-1.1	0.0	<i>Kalafi 8: Tamaoiga maua mai le Vaega o isi Oloa Gaosi, Mati 2013 - Tesema 2018</i>	
Saofaga i le tuufaatasiga o le tamaoiga i pasene (nominal)	2.3	2.2	1.8		

A fua i tau o oloa o loo iai nei, o le Vaega o Isi oloa gaosi na faamauina le aofaiga o le tau faaopopo ile \$8.5 miliona ile kuata o loo iloilo. Na siitia i le 1.4% pe a faatusatusa i le kuata o Tesema 2017. O lenei vaega o loo faasolosolo lemu lava lona toe faaleleia in ua mae'a ai kuata e 5 o faatumauina ai lona tulaga faaletonu ona o le tapunia ai o se tasi o pisinisi tele e gaosi ai oloa i totonu o le atunuu.

I lona fuafaatatau i tau o oloa 2013, na faamauina le aofaiga atoa ole tamaoiga e \$10.2 miliona e tusa lea ma le 1.8 pasene lona saofaga ile tuufaatasiga o le tamaoiga. Na pau ile 16.1% lona tamaoiga fua i tau o oloa o iai faatusa ile kuata o Tesema 2018.




# Iloiloga o Vaega Maoti taitasi

GALUEGA TETELE	Tamaoaiga Tesema 2017	Tamaoaiga Setema 2018	Tamaoaiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoaiga (fua i tau o oloa o iai) Tala Samoa (miliona)	32.3	29.1	38.2	31.4	18.5
Tamaoaiga (fua ile tau o oloa 2013) Tala Samoa (miliona)	31.1	27.6	35.6	29.3	14.8
Saofaga ile suiga ole tamaoaiga (gasologa ole tamaoaiga i pasene) - y-o-y	0.4	-0.3	0.9		
Saofaga i le tuufaatasiga o le tamaoaiga i pasene (nominal)	6.1	5.3	6.7		

**Kalafi 9: Tamaoaiga maua mai le Vaega o Galuega Tetele ma le suiga mai i kuata taitasi i pasene, Mati 2013 - Tesema 2018**

Na toe faaleleia le tamaoaiga o le vaega o Galuega Tetele i le kuata o Tesema 2018 i lona siitaga e 14.8% na sosoo ma le pau i le kuata o Setema 2018. E 0.9 pasene lona sao i le suiga poo le tuufaatasiga o le tamaoaiga maua a le vaega.


E \$35.6 miliona lona tamaoaiga fua i le tau o oloa 2013; e tulaga lua lona maualuga talu ona amata faamauina e tamaoaiga. O galuega tetele o loo faagasolo e pei o le auala sopo ma le auala-laupapa fou i le vaitafe tele o Maliolio, o le faagasologa o le poloketi i talaane o fale o le malo i Apia, o le falepuipui i Tanumalala ma isi o loo fesoasoani tele i le uunaia o le siitia o le tamaoaiga maua mai i le vaega o Galuega Tetele. Ua siitia le sao o le vaega i le tuufaatasiga o le tamaoaiga mai i le 6.1% i le 6.7%.



ELETISE MA SUAVAI	Tamaoaiga Tesema 2017	Tamaoaiga Setema 2018	Tamaoaiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoaiga (fua i tau o oloa o iai) Tala Samoa (miliona)	15.3	13.8	15.6	12.8	2.2
Tamaoaiga (fua ile tau o oloa 2013) Tala Samoa (miliona)	14.6	13.2	14.9	13.1	2.0
Saofaga ile suiga ole tamaoaiga (gasologa ole tamaoaiga i pasene) - y-o-y	0.5	0.4	0.1		
Saofaga i le tuufaatasiga o le tamaoaiga i pasene (nominal)	2.9	2.5	2.7		

**Kalafi 11: Tamaoaiga maua mai le Vaega o Eletise & Suavai, Mati 2013 - Tesema 2018**


E \$14.9 miliona le aofai o le tamaoaiga fua i le tau o oloa o le 2013; ua siitia ai i le 2.0% pe a fua i le tamaoaiga maua i le kuata lava lea o le tausaga ua tuanai. Ua faaliliuina ai lona sao i le 0.1 pasene agai i le suiga o le tamaoaiga mo le atunuu mo Tesema 2018. O le tamaoaiga maua a le nei vaega o loo atagia ai le siitia o le eletise maua i totonu o le kuata o loo iloiloaina. Na lava ma to toe lea siitaga i le eletise e talitali ai le pau o le suavai maua i le 2.2% i totonu o le kuata o Tesema 2018.



# Iloiloga o Vaega Maoti taitasi

FEFAATAUAIGA	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoiga (fua i tau o oloa o iai) Tala Samoa (miliona)	163.2	186.2	185.5	-0.4	13.7
Tamaoiga (fua ile tau o oloa 2013) Tala Samoa (miliona)	150.7	172.7	168.2	-2.6	11.6
Saofaga ile suiga ole tamaoiga (gasologa ole tamaoiga i pasene) - y-o-y	-0.6	4.4	3.6	<b>Kalafi 11: Tamaoiga maua mai i Fefaatauaiga ma le suiga mai i kuata taitasi i pasene, Mati 2013 - Tesema 2018</b>	
Saofaga i le tuufaatasiga o le tamaoiga i pasene (nominal)	30.9	34.1	32.6		


O le aofai o le tamaoiga na maua mai i le vaega o fefaatauaiga e tusa lea ma le \$168.2 miliona i le piriota o loo iloiloaina; ua siitia ile 11.6% nai loo le kuata o Tesema 2017. O le vaega maoti lenei e pito sili ona tele lona sao ile faatuputupulaia o le tamaoiga e 3.6 pasene, Na faamauina o le tulaga lona lua maualuga lenei ua ausia i le kuata o loo iloiloaina e sosoo ile tulaga sili na ausia i le kuata o Setema 2018. O loo faaauau pea le maualuga o le soa o Fefaatauaiga i le tuufaatasiga o le tamaoiga i le 32.6%. O lenei siitaga na afua mai i le tele o fefaatauaiga o oloa ma oloa sii atoa tau meaai, vaiinu, tapaa, oloa mo aoga, suauu ma oloa e umi lo latou aoga. O loo faapea foi ona o gatasi pea le tulaga o fefaatauaiga ma faamomoli ma tagata tafafao maimoa mai fafo e 12.1% ma le 10.9%.



FALETALIMALO MA FALEAIGA	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoiga (fua i tau o oloa o iai) Tala Samoa (miliona)	11.5	13.4	13.5	0.4	17.2
Tamaoiga (fua ile tau o oloa 2013) Tala Samoa (miliona)	10.1	12.4	12.3	-0.7	21.4
Saofaga ile suiga ole tamaoiga (gasologa ole tamaoiga i pasene) - y-o-y	-0.2	-0.1	0.4	<b>Kalafi 12: Tamaoiga maua mai i Faletalimalo &amp; Faleaiga ma le suiga mai i kuata taitasi i pasene, Mati 2013 - Tesema 2018</b>	
Saofaga i le tuufaatasiga o le tamaoiga i pasene (nominal)	2.2	2.5	2.4		

E \$12.3 miliona le tamaoiga maua mai i le vaega o faletalimalo ma faleaiga i tau o oloa o iai nei e \$12.3 miliona. Na siitia i le 21.4% lona tamaoiga pe a faatusa i le piriota lenei i le tausaga ua tuana'i. O le vaega lenei ma isi vaega maoti na iai lo latou sao i le aotelega o le siitaga i le tamaoiga, na faamauina ai lona sao i le suiga o le tamaoiga e 0.4 pasene mo le kuata o loo iloiloaina.

O le siitaga i le tamaoiga o le vaega a Faletalimalo & Faleaiga o loo atagia ai le siitaga e 43.2% ile fuainumera o uo ma aiga asiiasi mai ile atunuu pe a faatusa ile kuata Tesema 2017. Na sili atu nai lo le 40% aofaiga o le fuainumera o tagata tafafao maimoa mai fafo e pei ona faamauina ile kuata o Tesema 2018.




# Iloiloga o Vaega Maoti taitasi

FELAUAIAGA	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoiga (fua i tau o oloa o iai) Tala Samoa (miliona)	21.6	19.4	23.2	19.6	7.3
Tamaoiga (fua ile tau o oloa 2013) Tala Samoa (miliona)	19.8	18.3	21.6	18.4	9.4
Saofaga ile suiga ole tamaoiga (gasologa ole tamaoiga i pasene) - y-o-y	-0.4	-0.3	0.4	<i>Kalafi 13: Tamaoiga maua mai le Vaega o Felauaiga ma le suiga mai i kuata taitasi i pasene, Mati 2013 - Tesema 2018</i>	
Saofaga i le tuufaatasiga o le tamaoiga i pasene (nominal)	4.1	3.6	4.1		

O le tamaoiga e fua i tau o oloa ma auunaga o le tausaga 2013 na ausia e le vaega o Felauaiga mo le kuata o Tesema 2018 e \$21.6 miliona. Na siitia i le 9.4% pea faatusatusa atu i le kuata o Tesema 2017. O lenei siitaga na mafua mai i le faatuputupulaia o le auunaga o fale e teu ai oloa ma felauaiga o uta ma oloa.


A faatusa i le kuata o Setema 2018, na siitia le tamaoiga i le 18.4% pea fua i tau o oloa o le 2013.



FESOOTAIAGA	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoiga (fua i tau o oloa o iai) Tala Samoa (miliona)	36.2	43.9	42.5	-3.1	17.6
Tamaoiga (fua ile tau o oloa 2013) Tala Samoa (miliona)	30.9	37.7	36.0	-4.4	16.3
Saofaga ile suiga ole tamaoiga (gasologa ole tamaoiga i pasene) - y-o-y	0.0	-0.5	1.0	<i>Kalafi 14: Tamaoiga maua mai i Fesootaiga ma le suiga mai i kuata taitasi i pasene, Mati 2013 - Tesema 2018</i>	
Saofaga i le tuufaatasiga o le tamaoiga i pasene (nominal)	6.8	8.0	7.5		

O le vaega i Fesootaiga na faamauina lona tamaoiga e fua i tau o oloa ma auunaga o le 2013 e \$36.0 miliona i le kuata o Tesema 2018. Sa siitia i le 16.3% pea faatusatusa atu i le kuata o Tesema 2017. O lona sao i le siitia o le tamaoiga ia Tesema 2018 e 1.0 pasene, na faateleina ai lona sao i le tamaoiga i lona aotelega mai le 6.8% ia Tesema 2017 i le 7.5% ia Tesema 2018.


O le tamaoiga pea fua i tau o oloa ma auunaga ia Tesema 2018 e \$42.5 miliona, sa siitia i le 17.6% pea fua i le kuata o Tesema 2017. O le tulaga lelei o le taumafaiga a lea vaega maoti e afua ona o le faatuputupulaia o le manaoga i oloa ma auuanga tau fesootaiga ia Tesema 2018.



# Iloiloga o Vaega Maoti taitasi

AUAUNAGA FAAPISINISI	Tamaoaiga Tesema 2017	Tamaoaiga Setema 2018	Tamaoaiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tese- ma 2017 (y-o-y)
Tamaoaiga (fua i tau o oloa o iai) Tala Samoa (miliona)	22.4	18.3	22.3	21.8	-0.5
Tamaoaiga (fua ile tau o oloa 2013) Tala Samoa (miliona)	22.7	19.8	22.7	15.1	0.0
Saofaga ile suiga ole tamaoaiga (gasologa ole tamaoaiga i pasene) - y-o-y	0.5	-0.6	0.0	<i>Kalafi 15: Tamaoaiga maua mai le Vaega o Auaunaga Faapisinisi ma le suiga mai i kuata taitasi i pasene, Mat 2013—Tes 2018</i>	
Saofaga i le tuufaatasiga o le tamaoaiga i pasene (nominal)	4.2	3.4	3.9		


O auaunaga faapisinisi sa faamauina lona tamaoaiga e \$22.7 miliona pea fua i tau o ola o le 2013, na faaititia mai le kuata o Tesema 2017. Ua lua ai nei kuata sosoo o maualalo pea le faatinoga i le itu tau tamaoaiga mai i lea vaega maoti. O le pau o le faatinoga mai lea vaega e mafua mai i le maualalo o le faatinoga i vaega tau esetete lisiina atu, ofisa malaga ma vaega tau tafaoga ma mataaga. O le sao o lea vaega i le tuufaatasiga o le tamaoaiga e 3.9%, sa faaititia i le 0.3 pasene mai le kuata o Tesema i le tausaga ua mavae.



AUAUNAGA TAITOATASI & ISI	Tamaoaiga Tesema 2017	Tamaoaiga Setema 2018	Tamaoaiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tese- ma 2017 (y-o-y)
Tamaoaiga (fua i tau o oloa o iai) Tala Samoa (miliona)	16.0	15.8	12.5	-20.7	-21.7
Tamaoaiga (fua ile tau o oloa 2013) Tala Samoa (miliona)	15.1	15.1	11.7	-22.4	-22.5
Saofaga ile suiga ole tamaoaiga (gasologa ole tamaoaiga i pasene) - y-o-y	0.2	-0.3	-0.7	<i>Kalafi 16: Tamaoaiga maua mai le Vaega o Auaunaga a Tagata Tai- toatasi ma Isi Auaunaga, Mati 2013 - Tesema 2018</i>	
Saofaga i le tuufaatasiga o le tamaoaiga i pasene (nominal)	3.0	2.9	2.2		

O le vaega maoti o auaunaga taitoatasi ma isi na faaititia lona tamaoaiga i le 22.5 pasene mai le kuata o Tesema 2017, ma ua lua ai nei kuata sosoo o tulaga faaletonu pea le taumafaiga a lea vaega.

O le tamaoaiga sa faamauina e \$11.7 ma o le tulaga pito sili lea ona maualalo ua ausia e lea vaega talu le amataga mai o le faasologa o tausaga. E 0.7 pasene sa faaititia ai lona sao i le suiga o le tamaoaiga. O faaletonu sa atagia mai ai le pau i auaunaga e lagoonaina ai itu tau aoga. O lona sao i le tuufaatasiga o le tamaoaiga atoa na pau mai le 3.0 pasene i le 2.2 pasene.






# Iloiloga o Vaega Maoti taitasi

VAEGA A LE MALO	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoiga (fua i tau o oloa o iai) Tala Samoa (miliona)	45.4	44.7	46.0	2.9	1.5
Tamaoiga (fua ile tau o oloa 2013) Tala Samoa (miliona)	35.3	36.3	36.2	-0.4	2.5
Saofaga ile suiga ole tamaoiga (gasologa ole tamaoiga i pasene) - y-o-y	0.0	0.2	0.2	<b>Kalafi 17: Tamaoiga maua mai le Vaega a le Malo ma le suiga mai i kuata taitasi i pasene, Mati 2013 - Tesema 2018</b>	
Saofaga i le tuufaatasiga o le tamaoiga i pasene (nominal)	8.6	8.2	8.1		

E 2.5% ua siitia ai le tamaoiga maua mai le Malo, o lenei maualuga ua faamauina ai le 7 o kuata sosoo o lelei pea le faatinoaga a lea vaega. E \$36.2 miliona le tamaoiga pea fua i tau o le auunaga i le 2013 ma lona sao i le suiga o le tamaoiga e 0.2 pasene. O loo faatumauina pea lona taumafai i le tulaga tolu o vaega e pito i tele lo latou sao i le tuufaatasiga o le tamaoiga ma lona sao e 8.1%. O loo o gatasi lea ma le siitia o auuaga tagata lautele e pei o auunaga tau pulega, vaaiga o tupe, faatautaia o tulafono ma isi tulaga uma o le malo faapea le vaavaaiga o le soifuaga lautele ma le tamaoiga. O lona tamaoiga fua i tau o auunaga i le taimi nei sa siitia i le 1.5%. Ua o gatasi ma le siitaga e 2.7% i totogi pea fua atu ia Tesema o le tausaga ua tuana'i atu.



AUAUNAGA FAA-FALETUPE	Tamaoiga Tesema 2017	Tamaoiga Setema 2018	Tamaoiga Tesema 2018	Suiga i % fua i le kuata Setema 2018 (q-o-q)	Suiga i % fua i le kuata Tesema 2017 (y-o-y)
Tamaoiga (fua i tau o oloa o iai) Tala Samoa (miliona)	47.4	47.9	50.3	4.9	6.0
Tamaoiga (fua ile tau o oloa 2013) Tala Samoa (miliona)	48.6	50.3	50.3	0.1	3.6
Saofaga ile suiga ole tamaoiga (gasologa ole tamaoiga i pasene) - y-o-y	0.7	0.7	0.4	<b>Kalafi 18: Tamaoiga maua mai i le Vaega o Auaunaga Faa-faletupe ma le suiga mai i kuata taitasi i pasene,</b>	
Saofaga i le tuufaatasiga o le tamaoiga i pasene (nominal)	9.0	8.8	8.8		

E 3.6 pasene sa siitia ai auuanga faa-faletupe mai ia Tesema 2017. O le lona luasefulu tasi ai lea o kuata sosoo o lelei pea le gasologa a lea vaega maoti.

E \$50.3 miliona lona tamaoiga ia Tesema 2018 ma ua faamauina o le tulaga pito sili lea ona maualuga ua mafai ona ausia e lea vaega talu mai le sefulu ma le tasi tausaga (11) ua mavae. O lea itu lelei ua o gatasi ma le faatuputupulaia pea o manaoga i auaunaga tau tupe e pei o le auunaga a le faletupe tutotonu, auuna tau tupe e malupuipua ai aseta e lisiina atu, inisiua ma isi.

